



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanvelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofurti, 1684

Monita Ad Lectorem.

urn:nbn:de:hbz:466:1-38349

MONITA
AD LECTOREM.

CORAM te Reus à præceptis abstineo,
moneo tantum pauca pro causa. Genus
hoc scriptionis jam nosti. Nostro seu natum,
seu renatum in seculo, pleraque nobilitavit
ingenia. Periodos tamen qui quæris, & La-
tini medullam sermonis, aliam omnem offici-
nam adito. Acutus videri qui vult, sæpè
Latinus esse non potest. Libera Poësis hæc suis
solum propemodum legibus viruit; vel cum
Grammaticorum injuria tolerat plerumque
barbariem. Ornatum omnem ex nitore lumi-
num quærit, quæ vestire voluisse, tegere est.
Mihi verò ratione argumenti venia aliqua ma-
jor debetur. Tullii verbis præferri Christus
vult sua; sacra historia profanam non uno in
loco elegantiam rejicit. Amavi super acumina
gravitatem, quum non semel à vocibus illis ac-
cepi, quæcum ab Auctoritate Dei habeant pon-
dus, graviores esse nō possint. Cave ne opsonium
hoc

hoc, panem putas. Genus hoc cibi, excitandis ingenii natum est, non pascendis. Nisi cum moderatione sumatur, nimium a vidis mentibus nauseam creat. Perpenduntur hæc, non percurruntur; ideo cum violentiam quandam legenti inferant, à quo, non quamcunque, sed omnem attentionem exposcunt, diu tolerari nō possunt. Farta Laconismis oratio, qui minimum imitatur naturam; ut illam exhilarat prima illæ specie artis, ita paulò post lædit, dum nihil illi ob vium exhibet, sed omnia talia, ut nisi eruantur, non prodeant. Flores hi sunt, carpuntur per se singuli summis digitis, non tota immissa falce metuntur. Vbi unum, aut alterum delibatis Elogium, ne fastidire alia debeas, novam famem expecta. Scio, desideraturum te in hoc opere illud ipsum, quod ego, singulis videlicet Elogiis peculiarem imaginem, in quam divertere identidem oculos posses, meis ineptiis fatigatus. At juratus Christo Pauper, præter me ipsum nil habui, quod in Christi laudem impenderem. Id aliunde Christus expectet.